

倪俊明◎主編

廣東省立中山圖書館藏
稀見方志叢刊



國家圖書館出版社

廣東省立中山圖書館藏
稀見方志叢刊

倪俊明◎主編

國家圖書館出版社

15

第十五冊目錄


〔民國〕廣東通志未成稿不分卷（十）鄒魯修 溫廷敬等纂 民國二十四年（1935）修，廣東通志館稿本

前事略（廣州府）		一
前事略（道光元年大有年）		六五
大事紀（清世祖順治元年）		一六三
大事紀（二）		二二三
大事紀（三）		二七九
大事紀（四）		三三九
大事紀（五）		三九九
大事紀（六）		四五九

829

前事畧
廣州府

續廣東通志卷



廣州府前事畧

清朝

順治元年

明崇禎十七年

春大雨雹

新會志

龍門有白燕巢於城東門
靈雨兩月燕忽自隕

龍門志

三月廣東地震

明史五

二十八日龍門驟雨狂風大雨雹寒甚樵夫行人多凍死

龍門志

秋七月賊劫增城逕口村

縣志

時指揮同知周之錡住逕口之右知縣林明興統民壯鄉勇
駐逕口之左賊出挑戰之錡不遵明興所授方畧即發軍明
興止之不及軍大潰之錡墜馬走死明興遂被獲越二日賊

知其不可屈乃遂之出山

增城志

二十一日有紅雲在西北山望之如一血山

龍門志

新會知縣李光熙勒那扶伏獲關逢三誅之遊擊卽時聲擊張

酒尾殲其黨

新會志

署新會縣事姚生文遣撫犀過

永訪

署縣事市舶提舉姚文生以張祖尾關逢三雖死而賊勢尚

熾下令招撫於是濠頭司徒義潘村鄭奎馨鄭子康那伏關

逢四沙岡張述璽張允初張產旺張村黃宗炯程村梁華韶

談雅關肥三麥村長公斗洞伍仲幾錢岡簡番王那有許甲

三新村許亞保李玉林龍塘何榮勇沙岡林崇勒等盜首數

十人皆出就撫劫掠稍息然時事日非賊亦從此日盛新會志

冬十二月峒賊譚天池擾龍門縣志

是年流寇陷京都峒賊四起武舉譚天池高鎮守備劉欲

刺機作亂陰紹衡役阮聖祥阮聖超糾山賊老虎哥馬過河

等數千於十二月初六日圍城水陸梗絕知縣白為衣不得

已出庫金千兩求和賊受金不為時歲貢戴光震避亂增城

聞之即訴增城令林明順阮通志職官表作林明興飛報大憲告急巡撫

王化澄查監紀姚生文參將嚴尊誥赴援於二十七日破賊

解圍賊黨竄入路溪渠魁永殲羅從天結寨牛迺沈章龍結

寨沈村即靖權結寨第七屯李培芳易昌唐隆結寨塔嶺下

賊陷自此愈熾曰為衣以賞寇罷

龍門志

東莞增城大饑

東莞志
增城志

二年春二月杜賊起

新會志

以奴脅主謂之杜賊亦謂之僕賊始自順德冲鷓堡延及諸

縣所在多有

香山志

三月不雨夏五月乃雨

新會志

六月龍門賊高招手等劫南山等村守備史譙擊破之

增城志

譙福建人奉委鎮增城號令嚴肅龍門賊千餘流劫南山時
江水暴漲譙所統兵渡江者僅六十餘人皆不及渡即大呼
入陣擒高招手及土賊六人斬首三十二級奪還被擄子女
二十五人賊鋒始挫

增城志

冬十一月十四日白旗賊黃信林能船數十艘劫海州

香山志

三年二月大雨雹

南海志

夏四月白旂賊至新會

新會志

先是高鎮林芳黃信登明襄葉坦居黎侯重梁帝覺等聚黨
百餘艘出海剽掠名白旂賊監紀陳某招之入伍遂稱義師
揚帆至邑人莫敢抗知縣黃瀨中招所撫山寇入城就逆制
之未幾葉坦居在城下抄掠把總司徒義出擊之坦居敗遁
獲其黨數十人殺之諸賊踞各鄉為亂

新會志

五月白旂賊劫江門

新會志

六月海道副使洪大權海防同知姚生文率兵剿白旂賊擊是
之殺撫目鄭至

之殺撫目鄭至

時以盜賊充斥請於兩院八月設城守遊擊李承一員中軍

都司一員防兵五百名新會志

八月龍門賊袁勝祥統眾數千人犯增城增城志

時知縣黃明表與其屬皆赴省教諭郭衛磐率諸生及鄉耆固守六晝夜不懈搜城中賊間斬之賊乃遁去遂屠沙滘復掠石灘鄉勇糾合黃埔村水陸夾攻擒斬袁勝祥并其黨若

千級奪還子女牛馬財帛無算增城志

冬十一月故明大學士蘇觀生等以唐王聿錫稱號於廣州

通鑑
輯覽

丁魁楚等之將立桂王由榔也蘇觀生欲與共事魁楚

素輕之且欲專定策功慮其以舊相居已上拒不與議呂大
器亦以其非兩榜比肩之觀生愠甚適唐王聿鍵弟聿鏞嗣
為唐王者與大學士何吾驥自閩浮海至南海關提先番禹
梁朝鍾首倡兄終弟及議觀生遂與吾驥及布政使顧元鏡
侍郎王應華曾道准總兵林察等擁立聿鏞改年紹武就都
司署為行宮封觀生建明伯掌兵部事進吾驥等秩權提先
吏部尚書旋與元鏡應華道准並拜東閣大學士分掌諸部
招海上鄭石馬徐四姓盜授總兵等官與肇慶相拒時各碎
舉事治宮室服御內薄通國奔走夜中如晝不同日除官數

千
上同

桂王由榔遣兵攻唐王聿錫同上

桂王由榔遣給事中彭耀主事陳家謨齎敕往諭唐王聿錫
至廣州以諸王禮見備陳宗室倫序及監國先後語甚切至
因歷詆蘇觀生諸人觀生怒執耀殺之嘉謨亦不屈死即日
發兵攻肇慶以番禺人陳際泰督師由榔遣兵部右侍郎林
佳鼎師兵起三水佳鼎故粵中監司與林察同姓相善察使
犀盜詐降佳鼎信之乘勝追至三山口亂作全師皆覆佳鼎
同發事夏四敷赴水死時肇慶大震懼式耜視師峽口以王
化澄代佳鼎督師呂大器辭官入蜀遂以化澄為尚書起李
永茂為大學士未幾亦罷同上

十二月

大清兵克廣州獲唐王聿錫_{上同}

蘇觀生既敗肇慶兵意自得粉飾為太平事而委任關捷
先及梁朝鍾捷先小有才便筆札朝鍾善談論決曰三遷至
祭酒有楊明競者好為大言詭稱精兵滿惠潮間可十萬即
特授惠潮巡撫又有梁鑒者妄人也觀生才之用為史料都
給事中與明競大納賄賂日薦用數十人觀生招海盜資得
禦其衆曰白日殺人縣肺腸於貴官之門以示威域內外大
擾時大兵由福建趨潮州俱下之長吏皆降附即屠其印移牒廣
州報無警觀生信之是月十五日聿錫視學百僚咸集或

報大兵已逼觀生此之曰潮州昨尚有報安得遽至此妄言
惑衆如是者三大兵已自東門入觀生始召兵搏戰兵精者
皆西出倉猝不能集觀生乃自縊死蓋獻其尸出降朝鍾聞
變赴池為鄰人救出自刎死太僕寺卿霍子衡召三子刻以
死節朝服北向拜又易緋袍拜家廟先赴井死妻莫氏從之
子應蘭應奎應芷及其妻各繼之有小婢見之亦赴井死行
人梁萬爵赴水死新城知縣廖翰標自縊死子衡南海人
賜諡烈愍萬爵
番禺人翰標龍門人與
朝鍾俱賜諡節愍 韋錫方聞射急易服踰垣匿王應華
家俄繼城走為追騎所獲饋之食不受曰我若飲汝一勺水
何以見先人地下投縲而絕何吾驕及應華等皆降